

05 IANUARIE
RUGĂCIUNEA
SF. CUVIOS SIMEON JELNIN
DE LA PSKOVO-PECERSKA
3
Молитва

О, великий угодниче Божий, преподобне отче Симеоне! Призри на нас грешных, ко святей иконе твоей припадающих и просящих твоего заступления и помощи. Скорбь бо обдержит нас от обстоящих нас ныне бед и зол, и утешения не имамы многоболезненным душам нашим. Искахом бо помощи от человек, и не обретесе. Вопияхом ко Господу, и не услыша нас, зане прогневах пречистую благодать Его беззаконьми нашими, и множеством многих грехов наших преогорчихом человеколюбную утробу Его. И кто нам ныне помощь явит, кто нам скорбь утолит, кто даст отраду и успокоение многомятежным душам нашим? К тебе, великий угодниче Божий, прибегаем мы, грешнии и недостойнии, ведуще бо, яко велие

дерзновение имаши ко Христу Богу, и
многомощен предстатель еси о всех, с верою
к тебе прибегающих и твоего заступления и
помощи требующих. Моли убо
Человеколюбца Господа, яко да простив нам
безчисленная наша прегрешения, не
отвратит милость Свою от нас, но яко благ и
сострадателен, явит и нам безконечное Свое
милосердие, и в лютем напастей и бед
наших озлоблении подаст нам всеильную
помощь Свою, и преогорченным душам
нашим ослабу, мир, укрепление, утешение и
успокоение дарует. Ей, великий угодниче
Божий! Вознеси преподобнии руке твои ко
Христу Богу нашему и моли благость Его, да
не отринет моления сердец наших,
недостойнства ради нашего, но да явит нам
благовременне милость Свою, да тако в
мире временное сие житие прешедше, в
вечный достигнем покой, и с тобою
удостоимся славити Отца и Сына и Святаго
Утешителя Духа во веки веков.